

TEKA NTLHANU!

Vutomi-byo-khongelo-swin'we-hi-ku-siyerisana

Ndlela yo hlawuleko ya xiyimo xa le henhla xo fikelela vanhu lava lavaka mikateko ya Xikwembu evuton'wini bya vona.

Leyi hi yona ndlela yo olova yak u fikelela vanhu hi xikongomelo xo va fikesela Mahungu Lamanene ya Yesu Kriste. Eka tin'wana tindhawu, ndlela leyi yo fikelela vanhu, yi vitaniwa *xikhongelo xa vuVhangeli*. Ndlela leyi, I ndlela yo olova swinene, leyi ha yona, muKriste wun'wana ni wun'wana a nga kota ku fikelela vanghana, mindyangu, vatirhi-kulobye xikan'we ni vaakisani.

Xiphemu 1:Hlawula 5 wa vanghana / mindyangu lava u nga tava khongelela

Khongela u kombela Xikwembu leswaku xi ku nyika mavito ya ntlhanu wa vanghana, mindyangu, vatirhi-kulobye kumbe vaakisani lava va lavaka mikateko ya Xikwembu evuton'wini bya vona vatlhela va lava Yesu evuton'wini bya vona.

Tsala mavito ya vona ehansi:

1. _____
2. _____
3. _____
4. _____
5. _____

(Maendlelo lawa ya nga hundzuki nawu eka wean. Hikokwalaho, loko u bona I nga ku vanhu lava vatele, sungula hi ku khongelela vambirhi-vanharhu; loko swi koteka wa pfumeleriwa ku khongelela vanhu vo tlula ntlhanu. Ntlhanu kova nkunguhato lowu hi voneke wu ri kahle ku sungula hi wona).

Xiphemu 2:Khongela leswaku va kateka, teka 5-10 wa timinetse hi siku, ku ngavi ehansi ka ntluna hi vhiki.

Loku u va khongelela, khongelela ntlhanu wa swilo:

- **Miri** – rihanyo, nsirhelelo, matimba
- **Ntirho** – matirhelo, muholo, nhlayiseko
- **Ntlhaveko** – ntsako, kurhula, ntshembo, rirhandzu
- **Ntolovelo (social)** – rirhandzu, vukati, mahanyelo lamanene ni vandyangu; vanghana, vaakisani, ni le ntirhweni
- **Vupfumeri** – ku ponisiwa, ripfumelo, musa, tintswalo, kukula emoyeni

(Swipfumelekile ku engetela swin'wana swo swi khongelela, kambe swi fanerile leswaku u sungula hi leswi xaxametiweke laha henhla loku u khongelela vanhu/ni mindyangu)

Loku u khongelela leswaku vanhu va ponisiwa, u nga kombela Xikwembu leswaku hi matimba na ntirho wa moya wa Xona lowo kwetsima, vanhu va ta sungula hi xi vona ku ti vutisa swivutiso leswi landzelaka:

- Xana ndzi nga tshemba mani?
- Xana I ncini xikongomela xa vutomi bya mina?
- Xana ndzi ta tshuxeka rini?
- Xana ndzi ta ya kwini loko ndzi lova?
- Hikokwalaho ka yini ndzi venga Xikwembu?/ Hikokwalaho ka yini ndzi tsutsuma Xikwembu?
- Xana ndzi nga swi ahlula njhani swiphiqo swa mina?
- Xana hi kwihi laha ndzi nga hlayisekaka kona? / I mani a ndzi sirhelelaka?

Xiphemu 3: Tlhongomela vanhu hi ku fikelela swilaveko swa vona swa nkoka

Xana u nga kota ku endla swin'wana swo hundza xikhongelo? Ina! Loku u kotile ku sungula ku khongelela vanhu lava vantlhanu lava u va kheteke, sungula ku languta ni ku kombela Xikwembu ku ku nyika tindlela leti vonakala leti ha tona u nga tlhogomelaka vanhu. Xikombiso hi leswaku wun'we wa vona swi nga endleka a vabya: n'wu swekali, yisa vana vakwe exikolweni, va hlantsweli. Golonyi ya wun'wana yi nga hano tshoveka: va heleketi entirhweni, valombi movha. Nkarhi wun'wana ni wun'wana wun'wana wa vanhu lava a van a xilaveko xo karhi, vana kona ku tava khongelela. U nga swi endli mhaka yo tika, vutisa ntsena loku swikoteka leswaku u nga va khongelela. Tlhandla-ka-mbirhi, kombela Xikwembu leswaku Xi vapfuna ni ku va katekisa.

Xiphemu 4: Vabyeli hi Yesu na vunene bya Xikwembu

Xiphemu lexi landzelaka xi pfumelela leswaku u tirhisa xiyimo xo karhi xa vutomi ku hlamusela ripfumelo ra wean. U nga sindzisi ripfumelo ra wena eka vanhu. Hlaya ndzimana ya rito ra Xikwembu kutani u va byela hi nhlamulo yo karhi ya xikhongelo, endzhaku ka sweswo u kombela ku va khongelela. Loku u karhi u va tlhogomela ni ku va khongelela, vunghana byi karhi byi kula, nkarhi wa kahle wu ta sungula ku kumeka lowu eka wona u nga ta kota ku nyika vumbhoni bya ripfumelo ra wena.

Xiphemu 5: Tiyisela ku ringana lembe rin'we

Ku endla swiyenge leswa ntlhanu eka vutomi bya wena bya xikhongela, swi ta ku fikisa eka xiyimo lexi vuriwaka *Vutomi-byo-khongelo-swin'we-hi-ku-siyerisana*. Swi olovile, swa koteka, I ndlela yo olova leyi nga chaviseki ya vuvhangeli – hambi ku ri vana va nga kota ku yi endla. I maendlelo yo olova ya ku yisa Mahungu Lamanene ya Yesu Kriste evanhwini.

Hikokwalaho ka yini ndzi fanekele ku katekisa vaakisani?

Xikwembu xi te eka Abraham: ha wena ku ta katekisiwa tinxaka hikwato ta misava (Gen. 12:3). Eka Tinhlayo 6:24-27 Xikwembu xi dyondzisa Aaron ku katekisa vanhu: “Yehova a ku katekise, a ku hlayise. Yehova a ku hundzukele mombo wa yena, a ku nyike ku rhula”. Eka Yohane 1:16 hi ndyondzisiwa leswaku hi kume musa ehenhla ka musa. Eka Genesa 1 hi hlaya leswaku Xikwembu xi katekisile misava endzhaku ka loku xi yi tumbuluxile. Xikwembu xi lava ku katekisa vanhu kasi na hina hi lava leswaku vanhu va keteka. Tinhlayo-tandzavisiso (statistics) ti komba leswaku kwalomu ka 98% wa vanhu va ti yimiserile ku khongeleriwa leswaku Xikwembu xi va katekisa.

Xana xikhongelo xa mikateko xi khongeriwa njhani?

U nga (a) vulavula mikateko ehenhla ka vanhu (xikombiso – *ndzi ku katekisa hi Vito ra Yesu*). Kumbe (b) u nga kombela Xikwembu leswaku xi katekisa vanhu (xikombiso – Tatana, ndzi kombela leswaku hi Vito ra Yesu U katekisa swimani-mani). Vakatekise hi Vito ra Yesu naswona u khongela musa wa Xikwembu na tintswalo ta Xona ehenhla ka vona.

Xikombiso xa xikhongelo xo katekisa: *“Yehova a ku katekise, a ku hlayise. Yehova a ku hundzukele mombo wa yena, a ku nyike ku rhula”. Vata vekela sweswo vito ra mina ehenhla ka vana va Israel, kutani mina ndzi ta va katekisa” (Tin. 6:23-27). Tatana, tivisa Vito ra Wena ehenhla ka swimani-mani na swimani-mani: vakatekise namuntlha. Hosi, hundzukele mombo wa Wena eka vona na musa wa Wena eka vona. Tatana, hlamula swikhongelo swa vona utlhela u va nyika ku rhula.*

Yin’wana minkavelo ya rito ra Xikwembu leyi nga tirhisiwaka ku khongelela mikateko:

- Xikwembu, tata wa Hosi ya hina, Yesu Kriste, lexi nga hi katekisa hi ku kateka hinkwako ka Moya eka Kriste, ematilweni ya le henhla (Va-Efesa 1:3)
- Tintswalo ta Hosi ya hina, Yesu Kriste, ni rirhandzu ra Xikwembu, ni ku hlangana ka Moya lowo kwetsima, a swi ve na n’wina hikwenu (2 Va-Korinto 13:13)
- Tintswalo ta Hosi Yesu Kriste a ti ve na n’wina (1 Va-korinto 16:23)
- Kambe Xikwembu xa mina xi ta mi tatisela hinkwaswo leswi mi siw pfumalaka, hi ku fuwa ni ku kwetsima ka Xona, ha Yesu Kriste (Va-Filipia 4:19)
- Xikwembu xa ku rhula a xi mi basise swinene, xi miendla lava hetisekeke hinkwenu, leswaku hinkwaswo leswi nga ka n’wina, e moyeni, e mbilwini na le mirini, swi hlayisiwa eku vuyeni ka Hosi ya hina Yesu Kriste, swi basile. La’mi vitaneke wa tshembeka, o ta swi endla (1 Va-Tesalonika 5:23-24)

Hikokwalaho ka yini makhongelelo lawa ya tirha swonghasi?

- A hi vanhu honkwavo va nga na nyiko ya vuvhangeli, kambe hinkwerhu ha swikota ku khongela, hambi ku ri vanhu lava nga ni tingana kumbe ku ka va nga tsakeli ku vulavula ngopfu kumbe ku byela van’wani hi ripfumelo ra vona, ku khongela va swi kota.
- Leyi I ndlela yo olova naswona yo ka yi nga chavisi yo khongelela vanhu ni ku aka vunghana xikan’we no sungula ku tivisa vanhu hi Yesu.

- Vanhu votala va ti yimiserile ku yingisela munhu loyi a lavaka ku va tivisa hi Yesu ngopfu-ngopfu loku va nga vona leswaku hakunene-nene wa va tlhogomela ni ku va rhandzu. Mitirho yi vulavula ku tlula ku vulavula kambe swendlo ku ri hava.

Maendlelo, vutitwi xikan'we ni mavonelo ya wena ya xikhongelo

- Khongela hi ripfumelo – Xikwembu xi hlamula swikhongelo (Va-Heberu 4:16, 11:6)
- Loku u khongela, u fanekele ku tiva leswaku Xikwembu a xi hluriwi hi nchumu (Marka 10:27)
- Khongela u tele hi tintswalo ni ntwela vusiwana (Mateo 9:36)
- Tiyisela e ku khongeleni (Luka 18:1)
- Khongela hi mbilu leyi tengeke (Swivuriso 28:9,13)

Ku khongela na van'wani

U nga khongela u ri wexe, kambe swi antswa swinene ku kuma vanhu lava mi nga KHOMISANAKA SWANDLA mi khongela swin'we. U nga khutaza vandyangu kukhongela na wena kumbe nhlango lowutsongo wa vakhongeri ku khongela swin'we, kumbe u kume 2-3 wa vaKriste kuloni entirhweni kumbe exikolweni mi khongela swein'we.

Tindzimana ta xikhongelo

Leti hi tin'wana tati ndzimana leti u nga ti tirhisakaku khongela hi nkarhi wa wena wa ku khongela: Yohane 3:16, Yohane 6:63, Yohane 6:44, Yohane 5:21, Yohane 16:8-11, 2 Va-Korinto 4:3-4, 2 Va-Korinto 10:3-6, 2 Petro 3:9, Mateo 18:14, 1 Timoteo 2:3-4.

Chucheka ku endla nkandziyiso kumbe ntsariso wa buku leyi u nyiketa van'wana vanhu, nawu wa nsirhelelo wa vun'wini bya matsalwa ya tibuku a ya tirhisiwanga eka lexi xiyimo.

Jericho Walls International Prayer Network

Private Bag X22, Lynnwood Ridge, 0040, South Africa
Tel. +27-12-365 3213, Fax. +27-12-365 3214

Prayer Network: info@jwipn.com / www.jwipn.com

24/7 Prayer: info@global24-7.org / www.global24-7.org

TAKE FIVE - TSONGA
